

## Mini-guida: Skype – assi facer un conversation in gruppo

---

### Bon consilios e avisos *ante* conversar.

Skype es un bon maniera de haber conversationes global gratuitamente. Ma quando on ha un conversation in gruppo, il es necessari que on respecta certe regulas.



1. Selige in avantia, qui debe esser le coordinator del conversation, i.e. qui es le persona qui telephona al alteres. SOLMENTE iste singule persona debe contactar alteres.
2. Preferibilmente, elabora un agenda ante le conversation.
3. Selige anque in avantia, qui es le dirigente del session.
4. Si non omne participantes ha un nove (le melior: le plus nove) version de Skype, il pote haber problemas con usar video.
5. Si vos es plure personas (= plus que 3), non usa le video. Le connexion deveni plus lente.
6. Sia preste al minimo 5 minutas ante le hora que ha essite accordate. Isto permette al coordinator telephonar a omnes al mesme tempore, nam isto require que omnes es in linea.
7. Durante le conversation, clauda le microphono (= pone lo in le position “Off”), quando tu non parla. Memora activar le microphono de novo, quando tu vole parlar.

### Assi tu crea le gruppo

Le coordinator pote in avantia crear le gruppo de conversation:

1. Selige **Personas de contacto > Crea nove gruppo...**
2. Trahe ab le lista a sinistre con le personas de contacto le personas relevante a in le grande quadro blau con le designo de un homine.
3. Clicca al button in le summitate **Conserva le gruppo in le lista de personas de contacto.**

### Assi tu telephona a omnes

1. Trova a sinistre inter le personas de contacto le nomine del gruppo que tu creava.
2. Clicca al button **Telephona al gruppo.**
3. Si alcuno non es immediatamente presente o attingibile, tu pote adder le persona, quando ille/illa veni in linea, per simplemente tirar le/la ab sinistre a in le quadro con le personas qui ja participa in le conversation.